



Broj: 04-40-1-90/25
Sarajevo, 01.04.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 31.03.2025. do 08:30 sati 01.04.2025. godine

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 31.03.2025. godine u 13:010 sati od građanina, da je prilikom trčanje u prirodi na Debelom brdu, Općina Centar, pronašao jedno NUS (tijelo granate M75).

Informacija je proslijeđena Federalnom operativnom centru civilne zaštite i Timu za UES Federalne uprave civilne zaštite, koji će navedeno NUS preuzeti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali 10 manjih intervencija i to: dvije intervencije na gašenju zapaljenog smeća u kontejneru, jednu intervenciju na gašenju zapaljenog automobila, jednu na gašenju zapaljenog otpada (gume), jednu tehničku intervenciju na ispumpavanju vode iz skaldišta i četiri obezbjeđenja pretakanja goriva na Međunarodnom aerodromu Sarajevo.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju ranog upozoravanja ugroženog stanovništva i njihove eventualne evakuacije. Uposlenici Službe civilne zaštite Općine Stari Grad Sarajevo i pripadnici službi zaštite i spašavanja Općine Stari Grad Sarajevo, izlaskom na navedene lokacije dana 31.03.2025. godine, utvrdili su slijedeće stanje:

1) Lokalitet "Curine njive" – Opština Istočni Stari Grad i Općina Stari Grad Sarajevo (Bostarići)

Izlaskom na lice mjesta dana, 31.03.2025. godine uočeno je da su na terenu formirane pukotine uslijed naprezanja i pomjeranja tla duž klizne plohe te iste variraju u veličini, obliku i orijentaciji. Dolazi do vidljivih promjena oblika pukotina odnosno povećanje širine i dužine istih. Na dijelu lokaliteta "Curine njive-igralište" dolazi do konstantnog priliva vode jačeg intenziteta, koji stvara plavnu livadu. Ove vode prodiru u tijelo klizišta i slabe otporne karakteristike tla duž klizne plohe (pretpostavka je da se ista javlja iz podzemnih kaptaža koje trpe pritisak zemlje odnosno građevinskog materijala sa nasipa).

U dijeli ispod lokaliteta "Curine njive-igralište" (dio Općine Stari Grada Sarajevo) vidljiva promjena oblika ranije nastalih pukotina odnosno znatno povećanje širine i dužine istih.

Također, je zabilježena nova erozija dijela tla, praćena padom nekoliko stabala, dok se dio terena postepeno pomiče prema prvim stambenim objektima koji se nalaze na području Općine Stari Grad Sarajevo (ulica Ablakovina), a što je uzrokovano kombinacijom obilnih padavina te podzemnih voda.

Uslijed kišnih padavina prethodnih dana teren je i dalje zavodnjen te ima negativan uticaj na procese klizanja tla. Zavodnjavanje dodatno destabilizira tlo, smanjujući njegovu čvrstoću i povećavajući rizik od klizanja.

Opština Istočni Stari Grad donijela je Odluku o proglašenju vanredne situacije zbog elementarne nepogode prouzrokovane pojavom obilnih padavina na dijelu teritorije Opštine Istočni Stari Grad (broj:A01-81-234/25 od 28.03.2025.godine), istu je je donio načelnik opštine Bojo Gašanović na prijedlog Opštinskog štaba za vanredne situacije.

Vanredna situacija je proglašena na lokalitetu Curine njive, dio Mjesne zajednice Bulози i granica sa Mjesnom zajednicom Trebević – lokalitet korito rijeke Miljacke. Ova odluka je donesena na osnovu činjenice da se ovi lokaliteti nalaze na entitetskoj liniji koja nikada nije utvrđena, pa se ne zna na teritoriji koje opštine može doći do pojave potencijalnog klizišta. Osim toga, Odluka je donesena da bi se pripadnici entitetskih civilnih zaštita mogli nesmetano kretati na teritoriji Opštine Istočni Stari Grad i Općine Stari Grad Sarajevo radi provođenja mjera zaštite i spasavanja ljudi i materijalnih dobara.

Prema navednoj Odluci Opštinski štab za vanredne situacije je dužan:

- da obavještava građane i preduzeća te druge subjekte o opasnostima koje može prouzrokovati nastala elementarna nepogoda,
- građani, preduzeća i druga pravna lica sa područja opštine Istočni Stari Grad dužni su da sprovedu potrebne mjere radi zaštite i spašavanja ljudstva i materijalnih dobara sa kojim raspolažu i koja su ugrožena,
- također su dužni da omoguće preduzimanje tehničkih i drugih mjera zaštite od drugih učesnika u akciji koje naredi Opštinski štab za vanredne situacije,
- građani, preduzeća i druga pravna lica dužni su da stave na raspolaganje materijalno-tehnička sredstva na zahtjev Opštinskog štaba za vanredne situacije i odazovu se pozivu za uključivanje u akcije zaštite i spasavanja.

2) Lokalitet "Knjeginjac" – Opština Istočni Stari Grad

Izlaskom na lokalitet "Knjeginjac" dana, 31.03.2025. godine uposlenici Službe civilne zaštite Općine Stari Grad Sarajevo utvrdili su da se na predmetnom lokalitetu **ne vrši** odlaganja nove količine zemljanog i kamenog materijala odnosno da se ne izvode nikavi građevinski radovi.

3) Lokalitet Bistrički potok – Općina Stari Grad Sarajevo (Boguševac) i Opština Istočni Stari Grad

Izlaskom na lice mjesta dana 31.03.2025. godine uočeno je da je korito Bistričkog potoka i dalje djelimično zasuto materijalom sa deponije, obrušenim stablima te ranije isječenim stablima. Nisu uočena nova obrušavanja materijala sa deponije u vidu zemljano-kamenog materijala i stabala niti je uočeno da je vršeno uklanjanje ranije odloženog zemljano-kamenog materijala i stabala.

Uslijed obilnih kišnih padavina prethodnih dana, došlo je do povećanja nivoa vode u koritu Bistričkog potoka. Ipak, voda protiče kroz naselje bez ikakvih prepreka, te u ovom trenutku ne postoji potencijalna opasnost od izlivanja i plavljenja okolnog područja.

4) Naredba Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024.godine i broj: 08-40-1128-2.1/24 od 20.11.2024.godine

Postupajući po Naredbi Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024. godine, uposlenici Službe civilne zaštite Općine Stari Grad Sarajevo redovno vrše obilazak stambenih objekata i građana ulica Bostarići, Ablakovina i Ablakovina čikma.

U skladu sa Planom evakuacije i zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad Sarajevo - lokalitet MZ "Širokača", ulica Bostarići i Ablakovina, broj:12-40-222-87/24 od 30.10.2024. godine, te Izmjenama i dopunama Plana evakuacije i zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad Sarajevo - lokalitet MZ "Širokača", ulica Bostarići i Ablakovina, broj:12-40-222-96/24 od 06.11.2024. godine, a koje je donio Općinski štab civilne zaštite Općine Stari Grad Sarajevo, uposlenici Službe civilne zaštite i Službe za poslove mjesnih zajednica Općine Stari Grad Sarajevo poduzimaju daljnje aktivnosti za smještaj stanovništva sa ugroženog područja u dostupne smještajne jedinice koje će biti osigurane posredstvom Općine Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 6 °C, vlažnost zraka 86 %, barometarski pritisak 935,9 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

**PO OVLAŠTENJU DIREKTORA
ŠEF CENTRA**

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a